



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dialogue De La Tres-Sainte Vie De La Vierge Marie. De
ses eminentes perfections, & les devoirs que nous luy
deuons rendre**

Pont-A-Movsson, 1649

CLI. Est ce honneur que d'estre enrollé en quelque Congragation?

[urn:nbn:de:hbz:466:1-46934](https://nbn-resolving.org/urn:nbn:de:hbz:466:1-46934)

Saincts ont composé, & sont approuuées de l'Eglise, de ce nombre est l'*Aue mariu stella*, le *Salue Regina*; particulièrement l'*Aue Maria*, qui doit estre preferé à toutes les oraisons qu'on luy peut adresser. 2. C'est l'honorer que de celebrer ses festes. 3. De faire quelques largesses aux pauvres en son nom: mais principalemēt de se consacrer à son seruice en quelque sodalité, & Confrairie, qui luy seroit dediée.

CLI.

Est ce honneur que d'estre enrollé en quelque Congregation?

Si seruir aux Roys, & aux Princesses du monde, c'est chose honorable, & si l'on fait presse pour iouir d'un pareil honneur; combien plus doit on preferer d'estre couché sur l'état de la maison de la Vierge, & estre mis au nombre de ses Officiers, & Domestiques? Certainement il y a sujet de s'estimer tres-heureux de luy rendre toutes fortes de deuoirs. Au demeurant, si l'on

s'est vne fois obligé à son seruice, il faut s'en acquitter avec tout le soin possible : car on ne doit rien entreprendre qui regarde son culte, à quoy on ne vueille du tout satisfaire.

CLII.

*Y a t'il sujet de craindre quelque châ-
timent, si faisant profession de
luy estre deuot, on manquoit
à son deuoir?*

Il pourroit arriuer à telles personnes quelque chose pareille à ce que nous lisons, estre arriué à certains Religieux, qui estants trop libres en leur conuersation, comme vn iour ils reclamoient les suffrages de leur sainct Fondateur, l'appellans leur Pere & Protecteur, entendirēt vne voix qui leur dit clairement, *Je ne suis pas vostre Pere, & vous n'estes pas mes enfans* : Ceux qui desirent paroistre deuots à la Vierge, & ne sont rien moins, ne meritent-ils pas qu'à l'article de la mort la reclamans pour Mere, elle leur dise, *Je*